


Skaftárhreppur
Klausturvegi 15
880 Kirkjubæjarklaustur



UMHVERFISSTOFNUN

Reykjavík, 16. júlí 2012
Tilvísun: UST20120200145/edk

Áminning og krafa um úrbætur

Umhverfisstofnun vísar í bréf, dagsett 13. mars 2012, þar sem áformað er að áminna Skaftárhrepp vegna fjögurra frávik frá starfsleyfi og kröfum laga nr. 33/2004 sem fram komu í eftirlitsferð á urðunarstað sveitarfélagsins á Stjórnarsandi þann 17. ágúst sl. Einnig er vísað í áætlun rekstraraðila um úrbætur, dags. 20. mars 2012, og bréf Umhverfisstofnunar, dagsett 30. mars 2012, þar sem áætlun rekstraraðila er samþykkt. og frestur veittur til 15. maí 2012 til að bæta úr þremur frávikum, og til 1. september 2012 til að bæta úr einu frávikum

Þau frávik sem Skaftárhreppur þarf að bæta úr á urðunarstaðnum sínum eru eftirfarandi:

1. Talsverð óreiða og nokkrir haugar af óflokkuðum úrgangi voru á urðunarsvæðinu þegar eftirlit fór fram. Samkvæmt ákvæði 1.3 í starfsleyfi skal tryggt að úrgangur sé meðhöndlaður á þann hátt að hann valdi hvergi ónæði eða óþrifnaði á athafnasvæðum rekstraraðila. Í bréfi frá rekstraraðila, dags. 20. mars sl., kom fram að unnið væri að tiltekt á svæðinu og haugar af óflokkuðum úrgangi verði fjarlægðir. Í bréfi, dagsetu 30. mars 2012 fór Umhverfisstofnun fram á að rekstraraðili skilaði inn stuttri greinarferð eða verklagsreglum, fyrir 15. maí 2012, um hvernig komið verði í veg fyrir að ástand urðunarsvæðisins fari aftur í þetta horf. **Slík greinargerð hefur ekki borist Umhverfisstofnun.**
2. Niðurstöður mælinga á grunnvatni á urðunarsvæði hafa ekki borist Umhverfisstofnun. Á þetta var einnig bent í reglubundnu eftirliti síðasta árs. Samkvæmt ákvæði 3.5 í starfsleyfi skal mæla árlega pH, leiðni, NH_3 og COD í bréfi frá rekstraraðila, dags. 20. mars sl., kom fram að grunnvatnssýnabrunnum verði komið upp í apríl og mælingar framkvæmda í framhaldi. Umhverfisstofnun samþykkti þessa áætlun, í bréfi sínu 30. mars sl., og fór fram á að grunnvatnssýnabrunnar verði komnir upp eigi síðar en 1. júní 2012 og niðurstöður grunnvatnsmælinga verði sendar stofnuninni eigi síðar 1. september 2012. **Umhverfisstofnun hafa ekki borist upplýsingar um að búið sé að koma fyrir grunnvatnssýnabrunnum við urðunarsvæðið.**
3. Á urðunarsvæðinu var úrgangur sem ekki er heimilt að meðhöndla á svæðinu, m.a. málning, hjólbarðar, tölvubúnaður og önnur raftæki. Samkvæmt ákvæði 3.1 í starfsleyfi er eingöngu gefin heimild til urðunar á sláturhúsaúrgangi, seyru, byggingarúrgangi og ösku frá Sorporkustöð Skaftárhrepps, móttöku á brotajárni og geymslu á garðaúrgangi. Í bréfi frá rekstraraðila, dags. 20. mars sl., kemur fram að Skaftárhreppur hefur ekki hug á geymslu fleiri úrgangsflokka en tilgreindir eru í starfsleyfi og verður sá úrgangur sem ekki er heimild fyrir

fjarlægður. Í bréfi, dagsettu 30. mars 2012 fór Umhverfisstofnun fram á að rekstraraðili skilaði inn stuttri greinarferð eða verklagsreglum, fyrir 15. maí 2012, um hvernig komið verði í veg fyrir uppsöfnun annarra úrgangsflokka en tilgreindir eru í starfsleyfi á urðunarsvæðinu. **Slík greinargerð hefur ekki borist Umhverfisstofnun.**

4. Ábyrgðartryggingu, áhættumat og viðbragðsáætlun vegna mögulegrar hættu á bráðamengun höfðu ekki borist Umhverfisstofnun þegar eftirlit fór fram. Staðfesting á ábyrgðartryggingu hefur borist Umhverfisstofnun og telst fullnægjandi, sbr. það sem fram kemur í bréfi stofnunarinnar dags. 30. mars sl. Í bréfi frá rekstraraðila, dags. 20. mars sl., kemur fram að vinna við áhættumat og viðbragðsáætlun sé hafin og reiknað sé með að henni verði lokið í byrjun maí 2012. Umhverfisstofnun samþykkti þessa áætlun og fór fram á að áhættumati og viðbragðsáætlun yrði skilað fyrir 15. maí 2012. **Umhverfisstofnun hefur ekki borist áhættumat og viðbragðsáætlun frá rekstraraðila.**


Umhverfisstofnun veitir hér með Skaftárhreppi áminningu, sbr. 2.mgr. 48. gr. laga nr. 55/2003 um meðhöndlun úrgangs, þar sem enn á eftir að bæta úr framangreindum frávikum. Umhverfisstofnun veitir Skaftárhreppi frest til 17. ágúst 2012 til að skila inn greinargerðum vegna frávika nr. 1 og 3, og sama frest til að senda inn áhættumat og viðbragðsáætlun ásamt staðfestingu á að búið sé að koma fyrir grunnvatnssýnabrunnum.


Sinni Skaftárhreppur ekki tilmælum Umhverfisstofnunar innan tilskilins frests er stofnuninni heimilt að ákveða fyrirtækinu dagsektir allt að upphæð 500.000 kr á dag þar til úr er bætt, sbr. 2. mgr. 44. gr. reglugerðar nr. 739/2003.

Umhverfisstofnun bendir á að skv. 49. gr. laga nr. 55/2003 um meðhöndlun úrgangs er heimilt að vísa ágreiningi um ákvarðanir yfirvalda til úrskurðarnefndar umhverfis- og auðlindamála, sbr. 4. gr. laga nr. 130/2011. Skal kærán borin fram við nefndina innan eins mánaðar frá því að ákvörðun þessi berst rekstraraðila í hendur skv. 1. gr. laga nr. 130/2011 um úrskurðarnefnd umhverfis- og auðlindamála. Aðsetur nefndarinnar er að Skúlagótu 21, 101 Reykjavík.

Umhverfisstofnun vill vekja athygli á 1. gr. gjaldskrár Umhverfisstofnunar nr. 517/2011, þar sem segir að stofnunin innheimti gjald fyrir útselda vinnu sérfræðings við verkefni og þjónustu sem stofnuninni eru falin í lögum og reglugerðum og sem heimilt er að taka gjald fyrir. Gjald fyrir vinnu sérfræðings við eftirfylgni vegna frávika frá ákvæðum starfsleyfis verður innheimt samkvæmt gjaldskrá.

Gögnum og staðfestingu á úrbótum skal skila til Umhverfisstofnunar eða í tölvupósti á opinbert netfang stofnunarinnar, ust@ust.is

Virðingarfyllst

Kristín Linda Árnadóttir
fórstjóri


Gunnlaug H. Einarsdóttir
sviðsstjóri